



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-I/21-1-40-437-3/21**

Datum: **17.11.2021. godine**

«Agencija za vodno područje rijeke Save» Sarajevo rješavajući po zahtjevu Službe za prostorno uređenje, katastar i imovinsko pravne poslove, općine Donji Vakuf podnesenim u ime Investitora DŽONLIĆ (Merzuk) EDINA za izdavanje prethodne vodne saglasnosti za aktivnost ispuštanja tehnoloških otpadnih voda sa lokacije samouslužne autopraonice u naselju Prusac, općina Donji Vakuf na osnovu člana 121. stav 3. Zakona o vodama («Službene novine Federacije BiH», broj 70/06) i člana 67. stav 2. Zakona o upravnom postupku («Službene novine Federacije BiH», br.2/98, 48/99), **donosi**

ZAKLJUČAK

Odbacuje se zahtjev Investitora DŽONLIĆ (Merzuk) EDINA za izdavanje prethodne vodne saglasnosti za aktivnost ispuštanja tehnoloških otpadnih voda sa lokacije samouslužne autopraonice koja se planira graditi na zemljištu označenom kao kp. broj: 478/1 K.O. Prusac II, općina Donji Vakuf, zbog nepotpunosti dokumentacije i smatra se kao da nije ni podnesen.

Obrazloženje

Služba za prostorno uređenje, katastar i imovinsko pravne poslove, općina Donji Vakuf se u ime Investitora DŽONLIĆ (Merzuk) EDINA obratila svojim zahtjevom broj: UP1-05-19-00565/21 od 15.09.2021. godine zaprimljenim 20.09.2021.godine za izdavanje prethodne vodne saglasnosti za aktivnost ispuštanja tehnoloških otpadnih voda sa lokacije samouslužne autopraonice koja se planira graditi na zemljištu označenom kao kp. broj: 478/1 K.O. Prusac II, općina Donji Vakuf.

U provedenom postupku dostavljena je i pregledana sljedeća dokumentacija:

- Kopija katastarskog plana, razmjera 1:1000, broj plana: 3, UR broj: 05-26-971/2021-3 od 24.08.2021. godina izdato od Službe za prostorno uređenje, katastar i imovinsko pravne poslove, općine Donji Vakuf;
- Grafički prikaz lokacije poslovnog objekta sa urbanističko-tehničkim uslovima UP1-05-19-00565/21 od 15.09.2021. godine izdato od Službe za prostorno uređenje, katastar i imovinsko pravne poslove, općine Donji Vakuf;
- Kopija zemljišnoknjižnog izvotka broj: Nar 5737/21. zk. uložak broj: 1060, K.O. Prusac II, izdat od Općinskog suda u Bugojnu.

Nakon izvršenog uvida u dostavljeni zahtjev i priloženu dokumentaciju utvrđeno je da uz zahtjev nisu dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari i zatražio dopunu podneska u skladu s članom 3. i članom 19. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH, broj 31/15, 55/19 i 41/20) dopisom broj: UP-I/21-1-40-437-2/21 dana 24.09.2021.godine u kojem je zatraženo od Službe za prostorno uređenje, katastar i imovinsko pravne poslove, općina Donji Vakuf da od Investitora DŽONLIĆ (Merzuk) EDINA upotpuni zahtjev u roku od 20 (dvadeset) dana od dana urednog prijema dostavljene obavijesti.

Na adresu Investitora navedeni dopis nije poslan iz razloga što nam Služba za prostorno uređenje, katastar i imovinsko pravne poslove, općina Donji Vakuf nije prosljedila osnovne podatke za Investitora DŽONLIĆ (Merzuk) EDINA, te će i Zaključak biti prosljeđen putem općine Donji Vakuf.

Kako podnosilac zahtjeva nije dopunio podnesak u ostavljenom roku, kao ni do dana donošenja ovog Zaključka, to je u skladu sa članom 121. stav 3. Zakona o vodama («Službene novine Federacije BiH», broj 70/06) i članom 67. stav 2. Zakona o upravnom postupku («Službene novine Federacije BiH», br.2/98, 48/99) riješeno kao u dispozitivu ovog zaključka.

Uputa o pravnom lijeku:


Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse prema tarifnom broju 3. Tarife federalnih administrativnih taksi.

Obradivač akta:

Remić DŽ. dipl.iur.

Po ovlaštenju
Rukovodilac Sektora za izdavanje vodnih akata



Haris Ališehović, dipl.ing.građ.

Dostaviti:

- Služba za prostorno uređenje, katastar i imovinsko pravne poslove, općina Donji Vakuf
- Ul. 14.septembar br.22, Donji Vakuf
- Ⓢ AVP Sava, ISV – Vodna knjiga
- Sektor 40, arhiva
- Oglasna ploča, AVP Sava